

陽統轄宦蹟

吳幽州人肅宗至德初爲山南東道節度使
南陽安祿山反潼關失守賊使哥舒翰招吳使
不從使武令珣攻之令珣死田承嗣繼往潁川來
鎮襄陽魏仲犀合兵援吳仲犀弟孟訓兵至明府
橋望賊走吳城中食盡餓者相枕藉朝廷遣使者
曹日昇宣慰加吳特進太僕卿不得入日昇請單
騎致命仲犀不可會顏真卿自河北至謂曰使者
不顧死致天子命設爲賊獲是亡一使者脫能入

城則萬心固矣遂入致命人心益固炁被圍凡一
年晝夜戰八至相食卒無救至至德二年五月乃
率衆突圍走襄陽承嗣尾擊炁殊死戰二日薨
甚衆賊引去俄拜御史大夫襄鄧十州節度使
二京平賊走河北時襄漢數百里鄉聚蕩朕初賊
欲剽掠江湖賴炁適扼其衝故南夏以完

李愬憲宗元和時以檢校左散騎常侍出兼鄧州
刺史御史大夫充隨唐鄧節度使兵士摧敗之餘
氣勢傷沮愬揣知其情乃不肅軍陣不齊步伍或

以爲言愬曰賊方安袁尙書之寬易吾不欲遽
改備耳推誠待士得李祐爲客嘗使與李憲
語軍中機密或諫憲祐不可近愬待之益厚
月巳亥夜祐以突將三千爲前鋒李忠義
之愬率中軍三千會大雪偃旗息鼓而出遂破蔡
州擒吳元濟

九代李從璋後唐宗室晉高祖立徙鎮威勝軍在南陽
有遺愛

劉重進後漢初以忠武軍節度移鎮鄧州漢法禁牛

革甚嚴州民崔彥陳寶選等八人自本鎮持革
漢祖廟輓鼓重進杖遣之判官史在德謂重進
善用法宜置極典及大理刑部詳覆重進所
是

宋張永德并州人太祖卽位授武勝軍節度使會出
討金陵永德以已資造戰船數十艘運糧萬
順陽沿漢水而下富民高進者豪橫莫能禁永德
乃發其姦寘於法進潛詣闕誣永德緣險固置
餘砦圖爲不軌太祖命稷密都承旨曹翰領兵

察之詰其若所進曰張侍中誅我宗黨殆盡侍中
以法報私憤爾翰以進授永德永德遽解縛就市
笞而釋之時稱其長者

趙普幽州薊人宋太平興國末以宰相出爲武勝
軍節度檢校太尉兼侍中太宗賦詩以贈其行雍
熙三年春大軍出討幽薊久未班師普手疏諫罷
兵四年移山南東道節度使人皆德之

李至真定人咸平初爲武勝軍節度使節制鄧州
其節槩英烈學術文章當世重之

元楊惟中宏州人憲宗初爲河南道經畧使屯守唐鄧等州時萬戶劉福爲總管貪殘害民惟中乃召福至握大槌擊朴之數日福死民咸稱快

史天澤真定人憲宗初爲河南等路經畧使至鄧招集流亡創築外城招民爲屋市興利除害政無不舉境內大治

明劉

漳蘭州人嘉靖十一年分守南汝道叅政修復

召杜陂堰建立書院課獎士類表正風俗勸課農桑州縣多有遺愛

徐元氣字汝和宣城人萬歷八年分守南汝道先是
南陽軍民也糧多弊元氣嚴爲清丈作確冊釐革
弊實部民欽服尤精形家言曲盡蘊奧按部鄧州
見儒學湫隘乃相地望氣指授收遷文風果盛

陳奇瑜保德州人天啓時以監察御史遷分守南汝
道正直不撓敏練有爲歷官兵部尙書經畧五省
國朝樓希吳滿洲人順治九年分守南汝道以息盜安
民爲務時李好餘孽吳加寬于七潛匿拐河勾引
响馬嘯聚口衆白晝行劫有滋蔓難圖之勢希吳

下車偵其巢穴躬擐甲胄率標下兵糾同業歸
縣許鴻翔民兵入山進勦巨魁授首解散脇從
以拐河山谿險阻達店神林素爲奸藪疏奏奉
禁絕民居數十年盜賊不生陞山西左叅政

桑 芸字笈雲山西榆次人順治十二年由進士
守南汝道鋤豪強安良善南陽蠹吏白福德者
緣各上司衙門號爲通家挾制官吏肆害平民
洞知其奸乃以他事召至窮詰其罪狀立斃
民間歡聲載道遷本省布政使

南陽府宦蹟

漢召信臣字翁卿九江壽春人爲南陽太守勤力有爲
畧好爲民興利躬耕勸農出入阡陌止舍鄉亭
有安居時行視郡中水泉開通溝瀆起水門提閘
凡數十處以廣溉灌歲歲增加多至三萬頃民饒
其利蓄積有餘爲民作均水約束刻石立於田
以防分爭禁止嫁娶送終奢靡務出於儉約府縣
吏家子弟好游敖不以田作爲事輒斥罷之甚
案其不法以視好惡其化大行郡中莫不耕稼

田百姓歸之戶口增倍盜賊獄訟衰止吏民親愛
號曰召父

鄭宏字穉卿泰山剛人明經通法律政事爲南陽
太守著治績條教法度爲世所述遷淮陽相以高
第入爲右扶風

翟義字文仲丞相翟方進之少子年二十爲南陽
都尉宛令劉立與曲陽侯爲婚又素著名州郡義
年少義行太守事行縣至宛丞相史在傳舍立
持酒肴謁之飲未訖吏白都尉方至立語未竟

須臾義至內謁徑入立乃走下義既還陽以它
召立至以主守盜十金賊殺不辜部掾夏恢等
縛傳送鄧獄由是威震南陽

鮑

德兗州牧鮑永之孫也爲南陽太守時歲多荒

災惟南陽豐穰吏人愛悅號爲神父郡學久廢德
乃修其黌舍備俎豆黻冕行禮奏樂又尊養國老
宴會諸儒百姓觀者莫不歡服在職九年徵拜大
司農

杜

詩字君公河內汲人爲南陽太守性節儉政治

清平以誅暴立威善於計畧省愛民役造作水排
鑄爲農器用力少見功多百姓便之又修治陂池
廣拓土田郡內比室殷足時人方於召信臣故南
陽爲之語曰前有召父後有杜母

藥 崧南陽太守天性忠朴以廉約化民

桓 虞建初時爲司徒出爲南陽太守召朱暉于暉
爲吏暉辭駢而薦友人陳揖子友虞重其義遂從
之

後漢書 和帝時以尚書令遷南陽太守在

摘發奸吝政號嚴平數歲數爲太僕見人物

郭 堅陽翟人爲南陽太守明法律政有名績

虞 延字子太陳留人爲南陽太守永平初有新野

功曹鄧衍以外戚小侯每豫朝會而容姿趨步有

出於衆顯宗目之顧左右曰朕之儀貌豈若此人

特賜車馬衣服延以衍雖有容儀而無實行未嘗

加禮帝旣異之乃詔衍令自稱南陽功曹詣闕旣

到拜郎中遷元武司馬衍在職不服父喪帝聞乃

歎曰知人則哲惟帝難之信哉斯言衍慙而退由

是以延爲明三年徵代趙熹爲太尉

第五訪京兆人先爲張掖太守有美政遷南陽太守

王暢字茂叔高平人爲南陽太守前後二千石逼

懼帝鄉貴戚多不稱職暢深疾之下車奮勵威猛

其豪黨有釁穢者莫不糾發會赦事得散暢追恨

之更爲設法諸受贓二十萬以上不自首實者盡

入財物若其隱伏使吏發屋伐樹埋井夷竈功曹

張敞諫曰舜舉臯陶不仁者遠化人在德不在刑

暢深納其言更崇寬政教化大行

威爲南陽太守操持撻屬郡中長吏皆令閉門
自檢不得踰淞下吏畏之豪強慙服

劉寬字文饒宏農華陰人延熹八年爲南陽太守
溫仁多恕吏人有過但用蒲鞭罰之示辱而已終
不加苦事有公善推之自下災異或見引躬克責
每行縣止息亭傳輒引學官祭酒及處士諸生執
經對講見父老慰以農里之言少年勉以孝悌之
訓人感德興行日有所化嘉平五年遷太尉

成瑨宏農人延熹中爲南陽太守政尙威嚴褒善

糾遘肅清朝府宛有富賈張汎者桓帝美人之外
親善雕鏤玩好之物頗以賂遺中官以此得顯位
恃其伎巧用執縱橫罔收捕誅之豪右震服

球桓帝時爲南陽太守秉性介直素與司徒橋
元有隙元知之薦球爲廷尉時太后竇氏崩曹節
等欲別葬之球曰皇太后以盛德母臨天下遭時
不造援立聖明因遇大獄遷居空宮家雖獲罪事
非太后今若別葬誠失天下之望太尉李咸曰臣
與意合於是公卿皆從球議以爲宜合葬宣陵

帝從之

第五頡爲郡功曹辟舉高第爲侍御史歷南陽太守
洛陽無主人鄉里無田宅司隸校尉左雄太僕
張衡尚書朱建孟興皆與頡故舊各致禮餽終
受

楊彪華陰人光和中爲南陽太守以仁愛爲政
去百姓思之

趙戒南陽太守糾豪強恤吏民奏免中官子爲
令長貪濁者